

ԿԱՀՈՒՅՔԱԳՈՐԾՈՒԹՅՈՒՆԸ ՀԱՅԱՍՏԱՆՈՒՄ

(մ. թ. ա. II—մ. թ. II դդ.)

Ժ. Դ. ԽԱՉԱՏՐՅԱՆ

Հայաստանի անտիկ դարաշրջանի մշակույթի ուսումնասիրությունը կատարվում է անհամաչափ: Դա վերաբերում է հատկապես տեխնիկային, աշխատանքային գործիքներին, արհեստագործությանը, առանց որի անհնարին է արտադրողական ուժերի զարգացման պատմության ուսումնասիրությունը: Պատճառներից մեկը գրավոր աղբյուրների պակասն է, մյուսը՝ անտիկ հուշարձանների քիչ ուսումնասիրված լինելը: Սակայն վերջին տասնամյակներին լայն թափ ստացած հնագիտական պեղումների շնորհիվ հայտնաբերվեցին մշակույթի տարբեր բնագավառներին վերաբերող նոր նյութեր, որոնք հնարավորություն են ընձեռում մասամբ լրացնելու այդ բացը:

Փայտամշակությունը արհեստագործության շուտամասիրված բնագավառներից է, իսկ կահույքագործությունը՝ նրա ճյուղերից մեկը, քանի որ, կահույքի հիմնական նյութը փայտն է: Թեև գրավոր աղբյուրները վկայում են քաղաքային բնակչության կողմից օգտագործվող մասսայական, արքունիքի և վերնախավի ճաշակին համապատասխան պատրաստված զեղարվեստական կահույքի լայն արտադրության մասին՝ սեղաններ, աթոռներ և հատկապես շքեղ բազկաթոռներ, «բազմականներ» կամ «բազմակալներ», որոնց վրա գրվում էին ճեղարվեստորեն ասեղնագործված «բարձերը»¹, բայց դրանց տեսքն ու կառուցվածքը մեզ հայտնի չէ: Ուստի, այս առումով իբրև աղբյուր են հանդես գալիս հնագիտական նյութերը: Մեծ հետաքրքրություն են ներկայացնում Արտաշատից, Երևանից և Միսիանի իշխանական դամբարանից հայտնաբերված կահույքի մանրամասները:

Արտաշատի I բլրից հայտնաբերված կահույքի մնացորդները բարդ ձևավորում ունեցող ոտքերի մանրամասներ են՝ կենտրոնական անցքով, տարբեր տրամագծերով օղակներ: Դրանք պատրաստված են հաստոցի վրա, գտնվել են մ. թ. ա. II—I դդ. շերտից:


Միսիանի իշխանական դամբարանից (մ. թ. ա. I դար) հայտնաբերված կահույքի մնացորդները ավելի բազմատեսակ են: Պատրաստված են բրոնզից, մաս առ մաս ձուլելու եղանակով և լավ փայլեցված են (աղ. I): Այնուհետև, առանձին մասերը հավաքել են երկաթյա կենտրոնական ձողի վրա, իսկ նրանց միջև մնացած դատարկ տարածությունը լցրել հատուկ շաղախով: Երկաթյա ձողերը, միացնող դեր կատարելուց բացի, ոտքերին հաղորդել են ամրություն: Ժամանակի ընթացքում երկաթյա ձողերը ժանգոտվել են և բրոնզյա մասերի ճաքելու և փշանալու պատճառ դարձել: Վերակազմությունը² ցույց է տալիս, որ դրանք ունեն տարբեր տրամագծեր: Ընդհանուր առմամբ նկատելի են ոտքերի սիլոնների աստիճանական նեղացում, որոնք կտրուկ անցումներով, երբեմն սահունորեն նեղանում են, երբեմն էլ ուռուցիկ ձևեր ընդունում զանգակների, օղակների, հորիզոնական առևակոսների տեսքով՝ ստեղծելով լույս ու ստվերի հարուստ խաղ: Ոտքերն

¹ С. Т. Еремян. Развитие городов и городской жизни в древней Армении.— Вестник Древней истории (ВДИ), 1953, № 3, с. 27—31.

² Միսիանի և Երևանի կահույքը վերականգնվել է Հայաստանի պատմ. թանգարանի ռեստավրատոր Լ. Սարվազյանի կողմից:

իրար հետ ամրացվել են Մ-ձև բրոնզե լայնակի ձողերով, որոնք հարդարված են ակոսավոր դարդերով:

Իրենանից հայտնարենդած կահույքի ոտքերի, ուռուցիկ մասերի տրամադղերը բիշ ավելի են և նույնպես ունեն նման բարդ ձևավորում (աղ. II, 2):




Ուղ. 1

Սիսիանից հայտնարենդած կահույքի մյուս մասերը համեմատաբար փոքր արամադներ ունեն: Դրանք փայտե ձևավոր միջուկի վրա փաթաթած բրոնզե թիթեղներ են, որոնց վրա պահպանվել են մեխերի անցքերը: Մեզ են հասել նաև փայտյա միջուկի առանձին հատվածներ, որոնք պատրաստված

11 «Հանդես», № 2—3

են հաստոցի վրա: Վերջիններս, ամենայն հավանականությամբ, բազմոցի (թախտի, մահիճի) և բազկաթոռի առջև դրվող ցածր աթոռի ոտքեր են:

Կահույքի արտաքին տեսքի վերաբերյալ պատկերացում են տալիս Արտաշատից, Գառնիից և Արմավիրից հայտնաբերված կավե արձանիկները, որոնց վրա պատկերված են նման և այլ տիպի բարդ ձևավոր ոտքերով թախտեր, բազկաթոռներ և ցածր աթոռներ: Այդ տեսակետից ուշադրալ են մոր ու մանկան կավե արձանիկները, որտեղ կինը նստած է ձևավոր ոտքերով բարձր բազկաթոռին, կնոջ ոտքերի տակ դրված ցածր աթոռը նույնպես ձևավոր ոտքեր ունի³: Որոշ օրինակների վրա աթոռիկ կա նաև կնոջ ձախ կողքին կանգնած երեխայի ոտքերի տակ⁴ (աղ. II, 3):



Աղ. II

Մեծ հետաքրքրություն է ներկայացնում բարձր թախտին նստած մոր ու մանկան արձանիկը, կիսապառկած տղամարդու, իսկ երբեմն նաև թախտի կողքին ցածր աթոռին կանգնած երեխայի հետ միասին⁵: Թախտերն ունեն ձևավոր հաստ ոտքեր, որոնք վերևից ներքև նույն լայնության են: Հորիզոնական առեկտաներով ոտքերի կենտրոնական լայն գոտին հարդարված է ծաղկաշղթայաձև զարդերով (աղ. IV, 2—4, 6):

Թախտին նստած և կիսապառկած տղամարդու պատկերով Արտաշատից և Գառնիից⁶ հայտնաբերված մի այլ խմբի կավե արձանիկների վրա թախտի

³ Ժ. Դ. Խաչատրյան. Հայաստանի անտիկ շրջանի կորոպլաստիկան.—«Երաբեր հասարակական գիտություններ», 1977, № 5, տախտ. I, 1, 3, 8: նույնի՝ Անահիտ դիցուհու պաշտամունքն ու պատկերազրույթը Հայաստանում և նրա աղբյուրները հիլլենիստական աշխարհի հետ.—«Պատմա-բանասիրական հանդես», 1988, № 1, աղ. I, 4, 5:

⁴ Ж. Д. Хачатрян. Об античной коропластике Армении.—ВДИ, 1979, № 3, табл. I, 3: Ժ. Դ. Խաչատրյան. Արտաշատ II. Անտիկ դամբարանազառեր (1971—1977 թթ. պեղումները). Երևան 1981, տախտ. XXII, 5:

⁵ Ժ. Դ. Խաչատրյան. Անտիկ դիցուհու պաշտամունքը Հայաստանում, նկ. 1, 2. I₆:

⁶ Ժ. Դ. Խաչատրյան. Հայաստանի անտիկ շրջանի կորոպլաստիկան, տախա. II₂:

ոտքերը ձևավոր են, բայց առանց կենտրոնական գոտու ծաղկաշղթալաձև դարդի (աղ. IV, 5, 7): Այսպիսով, Արտաշատից, Միսիանի իշխանական դամբարանից և Նրեանից հայտնաբերված կահույքի մեացորդները Բ-խառն, քաղկաթոտի, քարձր աթոռի և նրանց առջև դրվող ցածր աթոռի մանրամասներն են (աղ. II, 1, 2, III, 1, 3): Ինչպես հայտնի է, կավե արձանիկների վրա պատկերված են աստվածներ և աստվածացված հերոսներ, ուստի կասկածից վեր է, որ վերահիշյալ հայտնադործությունները նույնպես վերնախավի կողմից սպասարկվող, հանդիսաւոր, շքեղ կահույքի մանրամասներ են:

Հայաստանից հայտնի են նաև այլ տիպի շքեղ կահույքի սաւեր: Դրանք բրոնզե կրկու քանդակ են, որոնք պատահաբար հայտնաբերվել են Մրենում և հանդիսանում են փայտե մահիճի (աղ. IV, 1) գլխատեղի ձախ կողմի երեսնապատման թիթեղի մասերը⁷: Քանդակներից մեկն իր ձևով ներքերի մասի մեղալիտն է, որտեղ պատկերված է թեւավոր կնոջ ունիւն և զլսատեղիի վերին մասում, իրենից ներկայացնում է շան դուխն ու վիզը (նկ. 1, 2): Նրկու քանդակն էլ սերսից դատարկ են և ձուլված են կաղապարի մեջ, այսպես կոչված «մոմե մոդելի կորսայան» եղանակով, որից հետո որոշ մանրամասներ ենթարկվել են լրացուցիչ մշակման (թեքերը, աչքերը, ականջները, բաշքը, բուրբը և այլն): Քանդակներն իրար են միացել երկու նեղ (2,8—3,0 սմ) ժապավեններով, որոնք ֆիգուրների մեջքի մասում աղեղնաձև հեռանում են և նրանց վրա մեկու համար թողնված անցքեր կան:

Այդպիսի ունիւն քանդակներով զարդերը կիրառական արվեստում լայն տարածում են ստացել հիլլենիստական շրջանում, երբ կահույքը հաճախ էր հորդորվում այս եղանակով: Մահիճը, որին պատկանում է Մրենի բրոնզե հարդարանքի մասը, հիլլենիստական շրջանի ծնունդ է, որը մի շարք փոփոխությունների կրկով դոյատեւ է մինչև մ. թ. II—III դդ.¹⁰: Այդպիսի մահիճների հայտնաբերվել են Արարատիսովյան կուրդանից, Պրիենայից, Պելլայից և այլ վայրերից, որոնք կապող օղակ են հունական և հունահռոմեական մ. թ. ա. I—մ. թ. I դդ. մահիճների միջև¹¹, Վերջիններս վերին մասում ավարտվում էին կենդանիների (ծիռ, առյուծի, շան, թռչնի և այլն) գլուխներով¹², ինչպես Մրենին, ունեւորվում է, որ Մրենի մահիճի կիսանդրիս պատկերում է Արտեմիդ-Հեկատան, այն պատրաստված է Հայաստանի արեւմտյան քաղաքներից մեկում ապրող վարպետի կողմից և պատկանում է մ. թ. II դարի երկրորդ կեսին¹³: Փոքր Ասիան, Միլեթը և Քիոսը V—IV դդ. եղել են մահիճի պարասաման հայտնի կենարաններ¹⁴, սակայն, ավելի ուշ շրջանի մահիճներ համեմատաբար քիչ են հայտնի, Դատելով Հայաստանից հայտնաբերված վերահիշյալ կահույքի բրոնզե մասերից (Միսիան), ինչպես նաև կա-

⁷ P. B. Кнпжялов. Два бронзовых предмета из Мрени.—Известия АН АрмССР, 1959, № 5, с. 69—81, табл. I, 1—2, II, 1—2.

⁸ Նույն տեղում, էջ 72—73:

⁹ E. Pernice. Hellenistische Kunst in Pompeji. Berlin—Leipzig, 1932, Bd. 5, Taf. 53, 54; G. M. A. Richter. Ancient Furniture. Oxford, 1925, p. 131, fig. 312; M. II. Максимова. Артюховский курган, Л., 1979, с. 98.

¹⁰ G. M. A. Richter. Op. cit., S. 57, Abb. 307; Th. Wiegand, H. Schrader. Priene. Berlin, 1904, S. 373—377; M. II. Максимова. Указ соч., с. 98.


¹¹ П. И. Соколовский. Деревообрабатывающее ремесло в античных государствах Северного Причерноморья. М., 1971, с. 92.

¹² Նույն տեղում, էջ 100: C. L. Ransom. Couches and Beds of the Greeks, Etruscans and Romans. Chicago, 1905, p. 83, Tabl. XI, XV; G. M. A. Richter. Op. cit., fig. 308—312, 314.

¹³ P. B. Кнпжялов. Указ соч., с. 73, 81.

¹⁴ C. Ransom, Op. cit., p. 74.

վե արձանիկների վրայի պատկերներից, Հայաստանին բնորոշ են եղել թախտերը, որոնք հատուկ պատրաստված գլխատեղ չունեն, դրանց փոխարեն օգտագործվել են ճոխ բարձեր: Համաձայնվելով հանդերձ Մրենի մահիճի տեղական արտադրանք լինելու հետ, ավելացնենք, որ այն լրիվ ընդօրինակված է փոքրասիական մահիճներից: Ըստ որում, ոչ միայն մահիճի ձևն է ընդօրինակված, այլև գլխատեղի կողքերի երեսապատման մետաղի քանդակները: Տեղական լինելու օգտին է խոսում կնոջ դեմքը և նրա մանրամասների պակաս մշակվածությունը, համեմատած կիսանդրու մյուս մասերի հետ, որը բնորոշ է նաև Հայաստանի անտիկ շրջանի կավե արձանիկներին և վաղ միջնադարյան քանդակին: Ինչ վերաբերում է թվագրմանը, ապա եղած փոքրասիական զուգահեռները հիմնականում մ. թ. ա. I—մ. թ. I դդ. են: Այդ նույն ժամանակին են պատկանում նաև Մրենի մահիճի քանդակ-



Աղ. III

ները: Կնոջ սանրվածքը չի խանգարում այդ թվագրմանը, քանի որ այն հանդիպում է նաև հելլենիստական շրջանի (մ. թ. ա. II դար) կավե արձանիկների վրա և այլն: Ուշագրավ է, որ Մրենի մահիճի նման մահիճները նույնպես ունեն բրոնզե ձևավոր ոտքեր:

2. Ս. Բեյքերը, ուսումնասիրելով կահույքի ծագումն ու զարգացումը (մ. թ. ա. 3100—475 թթ.), եգիպտական, հունական, մերձավորարևելյան կահույքի ձևերը, պատրաստման տեխնիկան, գտնում է, որ բարդ ձևավոր ոտքերով կահույքը սկսում է ձևավորվել մերձավորարևելյան ռեգիոնում, Միջագետքում: Դրանց նախատիպերը բարձր աթոռ, թախտ, ոտքերի տակ դրվող ցածր աթոռ և այլն, երևան են գալիս մ. թ. ա. XIII—XII դդ. Միջագետքում¹⁵, Մ. թ. ա. VIII դարի նման կահույք գտնվել է Ասորեստանից (Նինվեից)¹⁶, մ. թ. ա. VII—V դդ. աթոռ և թախտ՝ Պաղեստինից¹⁷ (պահվում է

¹⁵ II. S. Baker. Furniture in the ancient world. Origins, evolution 3100—475 B. C. New York, 1966, p. 216—217, fig. 349.

¹⁶ Նույն տեղում, էջ 224:

¹⁷ Նույն տեղում, նկ. 361—362:

Հորդանանի թանգարանում)՝ Միջագետքյան, ասորեստանյան ավանդույթների շարունակվում են Աքեմենյանների օրոք։ Պերսեպոլիսի գանձարանի և սյունադարձի դահլիճի բարձրաքանդակների վրա Դարեհ Մեծը (I) և Քսերքսես I-ը պատկերված են բարդ ձևավոր ոտքերով գահին նստած և ոտքերը ցածր աթոռին դրած¹⁹։

Այդ նույն պատկերը նկատվում է նաև Դունգարացի գիտնական Դ. Կեսի²⁰ աշխատության մեջ, որտեղ կահույքի ծագումն ու զարգացումը ավելի լայն ֆոնի վրա է քննարկվում։ Ուստի Դ. Կեսի, ասուրա-բաբելական կահույքը հարգարվել է բուսական և կենդանական, ինչպես նաև Դորիզոնական, պակած ոսկե և բրոնզե դարձերով։ Պարսիկները, նվաճելով այդ երկրները, կահույքի ինքնուրույն ոճ չստեղծեցին, այլ շարունակեցին ասուրա-բաբելականը, սակայն ավելի շքեղ հարդարանքով²¹։

Քուրթսևոյի հույների վերցրած ավարի մասին խոսելիս, Հերոդոտը (IX, 80, 82) հիշատակում է նաև ոսկե ու արծաթե, ոսկեջրած ու արծաթաջրած մահիճներ (թախտ) և սեղաններ։

Սելևկյան դրամների վրա պատկերված թիկնակով և առանց թիկնակի դահլիճը վկայում են հելլենիստական շրջանում կահույքի այդ ոճի ավանդույթների շարունակվելու մասին²²։ Անտիոքոս II-ի և Սելևկոս II-ի Շոշում կարված դրամների երկրորդ երեսին Ջեսը պատկերված է այդպիսի գահի վրա նստած²³։ Ամատուրիսի մ. թ. ա. 300—285 թթ. թվագրվող քաղաքային դրամների երկրորդ երեսին Ջեսը նորից պատկերված է նման գահին նրստած²⁴։ Հելլենիստական շրջանի բարդ ձևավոր կահույքի ոտքեր և մասեր են հայտնաբերվել Ալ խանումից²⁵։ Միրինայի կավե արձանիկների վրա պատկերված են նման ոտքերով գահավորակներ, մահիճներ և նրանց առջև դրվող ցածր աթոռներ²⁶։

Բարդ ձևավոր ոտքերով կահույքի աքեմենյան ավանդույթները շարունակվել են նաև Պարթևստանում։ Այդ մասին են վկայում Մասքիդ-ի Սուլեյմանի մեծ տաճարից հայտնաբերված, բարդ ձևավոր (զուգահեռներով և օղակներով) բրոնզե ոտքերի մասերը²⁷, բրոնզե ոսկեզօծված նույնանման ոտքերի մանրամասները՝ դրված Շամիի դամբարանից²⁸ (մ. թ. ա. II դար), որոնք ենթադրվում է, պատկանել են շքեղ թախտի, որը հետագայում օգտագործվել է իբրև թաղման մահիճ, փղոսկրե շքեղ կահույքի մտերամաս-

¹⁹ Նույն տեղում, էջ 226, նկ. 368; E. E. Schmidt. Persepolis I, Chicago, 1953, pl. 77—78, 96—98, 104—111, 119—123.

²⁰ Д. Кес. Стиль мебели. Булаеиут, 1981, с. 5—31, табл. 5, 6—75.

²¹ Նույն տեղում, էջ 30—31.

²² H. Seyrig. Trésors du Levant Anciens et Nouveaux, II. Paris, 1973, pl. 9, 5, 1—5, 10, 41, 42; 10, 5—18, 19, 21—22.

²³ G. Rida. Suse, sous les Seleucides et les Parthes. Les trouvailles monétaires et l'histoire de la ville. Paris, 1965, pl. II, I, 13, 15.

²⁴ E. Babelon et Th. Reinach. Recueil général des monnaies grecques d'Asie Mineure, T. I, Pont et Paphlagonie. Paris, 1925, pl. XVII, I, 2, 4—6.


²⁵ H. P. Frankfort. Fouilles d'Al Khanoum, III. Mémoires de la délégation Archéologique Française en Afghanistan, T. XXVII. Paris, 1964, p. 107—110, pl. I, 4—24.

²⁶ E. Pottier et S. Reinach. La nécropole de Myrina. Paris, Thorin, 1887, vol. 2, pl. XXXIII, XXXVI, XL.

²⁷ R. Ghirshman. Terrasses sacrées de Bard-e Nêchandeh et Masjid-i Solaiman. Mission de Susiane. Mémoires de la délégation archéologique en Iran, T. XLV, vol. I, I, Paris, 1976, pl. 60g, Mts. 250, 259, 282, 289.

²⁸ A. Stein. Old Routes of Western Iran, London, 1949, p. 141—143, pl. VI.

ները՝ հայտնաբերված Պարթևական Նիսայից, որոնք, ինչպես վերակազմությունն է ցույց տալիս, եղել են գահավորակի և թախտի մասեր և բառ Գ. Ա. Պուգաչենկովայի, պատկանել են Միհրդատ I-ին²⁸ (մ. թ. ա. 171—138 թթ.), Միհրդատ II-ի (մ. թ. ա. 123—88 թթ.) դրամների երկրորդ երեսին Արշակը պատկերված է այդպիսի բարդ ձևավորում ունեցող ոտքերով գահավորակին նստած²⁹, իսկ Հրահատ III-ից (մ. թ. ա. 70—57 թթ.) սկսած, հենց իրենք թագավորներն են պատկերված նման գահավորակին նստած³⁰։ Հռոմեացիներն ընդօրինակել են հունական կահույքը, սակայն դրանք հարդարել են փայտե և մետաղե գեղակերպ (պլաստիկ) զարդաձևերով։ Ի



Աղ. IV


²⁸ Г. А. Пугаченкова. Трон Митридата I из парфянской Нисы.—ВДИ, 1969, № 1, с. 161—171, рис. 1—9.

²⁹ Նույն տեղում, էջ 164—165, նկ. 6 Բ.

³⁰ Նույն տեղում, նկ. 6 Բ Դ; J. de Morgan. Manuel de numismatique orientale. Paris, 1923—1936, pl. 143, 3, 5—9, 12—14, p. 141. pl. 180—182, p. 168—170.

աարերություն հունականի, որոշ տեսակի աթոռներ և մահափայտներ ունեն
դանդակաձև, օղակաձև և այլ բարդ ձևերի բրոնզե թաթերով³¹ ծնթադրվում է,
որ դա ձուլելու և տրուսկյան տեխնիկայի ազդեցությամբ արդյունք է: Հաշվի
առնելով, սակայն, դրանց սլատրաստման ժամանակը և այն, որ այդօրինակ
թաթերով կահույքն արեւելքում վաղուց էր հայտնի, կարելի է մտածել, որ
ոտքի այդ ձևերը վերցվել են արեւելյան կահույքից:

Անտիկ շրջանում կահույքը սլաթափում էր փայտից, քարից, մե-
տաղից և ոսկուց: Լեռքիններս կրկնում էին փայտյա կահույքի ձևերը: Քարե
կահույքը հանդիսավոր լինույթ ունեն և տեղադրվում էր հասարակական շեն-
քերում ու հարուստների տներում³²: Ընդտ է, VII—IV դդ. Սևրձավոր Արե-
վելքում³³, Հունաստանում³⁴ և Էտրուրիայում³⁵ կահույքի մեջ օգտագործում



Նկ. 1

էին մետաղյա դարդեր, սակայն կահույքի մեջ մետաղյա մասերի ու զարդե-
րի օգտագործումը լայն տարածում ստացավ միայն հելլենիստական շրջ-
անում³⁶: Իսկ ուշ հելլենիստական շրջանից սկսվում է նաև մետաղյա կա-
հույքի արտադրությունը, որի վառ ասպնդույն է նաև Հայաստանից հայտ-

³¹ Д. Кес. Указ. соч., с. 53—55, та же, 11, 147, 150, 152, A. de Ridder. Les bronzes antique: du Louvre. T. II, Paris, 1915, pl. 119, 3673; G. Richter. Ancient Furniture. A History of Greek, Etruscan and Roman furniture. Oxford, 1926, fig. 299, 308—310.

³² В. Д. Блаватский. Мраморный трон из Пантнкапея.—Советская археология, 1957, № 2, с. 249; L. Durrm. Die Bankunst der Griechen. Leipzig, 1910, S. 463.

³³ H. S. Baker. Op. cit., p. 214, fig. 361, 362; Д. Кес. Указ. соч., с. 29—31.

³⁴ Д. Кес. Указ. соч., с. 46; И. И. Соколовский. Деревообрабатывающее ремесло в античных государствах Северного Причерноморья. М., 1971, с. 87—89.

³⁵ Д. Кес. Указ. соч., с. 50.

³⁶ C. Robinson. Couches and beds of the Greeks, Etruscans and Romans. Chicago, 1905, p. 42, 50—51; И. И. Соколовский. Указ. соч., с. 87, 92, 112.

նաբերված վերոհիշյալ կահույքը: Իբերների թագավորը որպես նվեր Պոմպեյ-
սին ուղարկում է ոսկե մահիճ, սեղան և գահ³⁷:

Քարե և մետաղե կահույքի կիրառությունն ավելի լայն տարածում ըս-
տացավ մասնավորապես Դելոսում³⁸ և Իտալիայում³⁹, հանրապետության
վերջին և վաղ կայսրության շրջանում: Սակայն մ. թ. I դարում աստիճա-
նաբար մոգայիկ դարձավ փայտյա կահույքը⁴⁰, Պլինիոսը թվարկում է մի
շարք ծառատեսակներ, որոնցից պատրաստում էին կահույքը⁴¹, Այդ ժամա-
նակ տեխնիկան այնքան էր զարգացել, որ կահույքը պատրաստում էին
ավելի էժանագին փայտից, իսկ ավելի թանկարժեք փայտի ֆաներայով
հրեսպապատում: Պլինիոսի թողած տվյալներից դատելով հին Հռոմում հյուս-
նը ունենալու արտադրության զարգացումը⁴²:

Հայաստանում նույնպես կահույքի գյուտերը նորություն չեն: Ամենա-
հին հայտնագործությունները վերաբերում են ուշ բրոնզի շրջանին: Դրանք
գտնվել են Լճաշենի դամբարաններից և համարվում են թաղման մահիճ-
ներ⁴³, Այդ մեծ ուղղանկյուն թախտերը կլոր ոտքեր ունեն և հյուսված կաշե-
փոկերով նստատեղեր (1,2—1,5 մ, 0,6—0,8 մ), նմանատիպ թախտեր
հայտնի են նաև Յամաքաբերդի, Արթիկի⁴⁴, Ռեդկին լագերի⁴⁵ դամբարան-
ներից: Ռեդկին լագերից գտնված մահիճի կարճ ոտքերը քառակուսի են
(բարձր. 20 սմ, երկ. 1, 23 մ, լայն. 60 սմ): Օշականի⁴⁶ վաղ երկաթի շր-
ջանի դամբարանից (№ 78) հայտնաբերված բազկաթռուի ձևն այլ է, Յաժր
ոտքերը վերևում քառակուսի են, դեպի ներքև կլորանում և հաստանում են
(55×77 սմ): Նստատեղին ցանցաձև գործած կաշեփոկից է եղել: Ուշագրավ
այս բազկաթռուը նույնպես համարվում է թաղման մահիճ⁴⁷:

Ուրարտական շրջանի կահույքին վերաբերող նյութերն ավելի առատ են:
Կարմիր բլուրում գտնվել են վառված փայտե աթոռների մնացորդներ, որոնց
միայն վերին մասի և կենտրոնականի բրոնզե հատվածներն են մեզ հա-
սել⁴⁸, Խոշոր, շքեղ գահի բրոնզե, ոսկեզօծ, կենդանակերպ և այլ տիպի քան-
դակներով հարդարված⁴⁹ ոտքեր են հայտնաբերվել Թոփրախ կալիից⁵⁰, Կա-
լալի դերեից⁵¹ և այլ հնավայրերից: Ուրարտական բազկաթռուների (գահերի)

³⁷ Плутарх. Помпей, XXXVI.—Сравнительные жизнеописания, т. II, М., 1963 (пер. Г. А. Стратановского).

³⁸ W. Deonna. Le mobilier delien. „Delos“, XVIII, Paris, 1938, S. 1—63. Plin Nat. Hist., XXXII, 144, 151: XXXIV, 4. 9.

³⁹ Н. И. Соколовский. Указ. соч., с. 87; М. Е. Сергеенко. Ремесленники древнего Рима. Л., 1968, с. 30.

⁴⁰ М. Е. Сергеенко. Указ. соч., с. 30—33.

⁴¹ Plin., Nat. Hist., XVI, 231—233.

⁴² Նույն տեղում:

⁴³ А. О. Мнацаканян. Раскопки курганов на побережье оз. Севан в 1956 г.—СА. 1957, № 2, с. 147.

⁴⁴ Т. С. Хачатрян. Материальная культура древнего Артика. Ереван, 1963, с. 23.

⁴⁵ F. Bayerns. Untersuchungen über die ältesten, gräber- und Schatzfunde in Kaukasien, Berlin, 1885, S. 13.

⁴⁶ С. А. Есаян, А. А. Калантарян. Ошакан, I. Основные результаты раскопок 1971—1983 гг. Ереван, 1988, с. 103—104, 123, табл. CXIX—CXX.

⁴⁷ Նույն տեղում, էջ 104, տախտ. CXVIII:

⁴⁸ Б. Б. Пиотровский. Искусство Урарту VIII—VI вв. до н. э., Л., 1962, с. 54, рис. 25.

⁴⁹ Նույն տեղում, էջ 45—54, նկ. 11—24:

⁵⁰ Նույն տեղում, էջ 44:

⁵¹ С. А. Barney. A first season on Excavations at the Urartian citadel of Kayalidere. „Anatolian Studies“, vol. XVI, 1946, p. 96, fig. 20, 1.

մասին մեզ պատկերացում են տալիս նաև Թոփրախ կալեից հայտնաբերված ոսկի մեղալիոնը և արծաթյա լուսնաձև կրծքազարդը, ինչպես նաև Կարմիր լյուրից գտնված արծաթյա մեղալիոնը, որոնց վրա պատկերված տեսարաններում աստվածուհին նստած է գահին⁵²։ Այսպիսի շքեղ գահավորակներ պատկերված են նաև ասորեստանյան հուշարձանների վրա, որտեղ նույնպես նստածները թագավորներ և կամ աստվածներ⁵³։ Ուշագրավ է, որ Սարգոնի պալատի պլ.տին պատկերված Մուսասիրի տաճարի թալանի տեսարանում, պատվանդանի ոտքերն աստիճանաբար բարակում են և ունեն հորիզոնական շրջանաձև ճակններ⁵⁴։ Սարգոն II-ի Աշուր աստծուն գրած նամակում խոսելով Մուսասիրից վերցրած ավարի մասին (114 թ.), նշում է նաև փղոսկրի մահճակալի, ոսկով և քարերով հարդարված արծաթե մահճի⁵⁵։ 10 սեղանի, և փայտե բազկաթոռ մասին⁵⁶։

Վաղ հայկական շրջանի կահույքի դրսևեր մեզ հայտնի չեն, սակայն կահույքի մասին տեղեկություն է հաղորդում Քսենոփոնը իր «Անաբասիսում»։ Նա վկայում է, որ երբ հույները գրավեցին Տիրիբաղոսի վրանը, նրա մեջ այլ իրերի թվում ավար վերցրեցին նաև «արծաթե ոտքերով մահճաներ և ըմպոտներ»⁵⁷։ Նշված մահճաները (թախտեր), ամենայն հավանականությամբ, տեղեկ են տրամախյան կահույքի ձևերը և հարդարված են եղել նույն եղանակով։

Արաաշատից, Սիսիանից, Երևանից, Մրենից հայտնաբերված կահույքի մանրամասները և կավե արձանիկների վրայի կահույքի պատկերները բնորոշում են մ. թ. ա. II — մ. թ. II դդ. միջև ընկած ժամանակաշրջանի շքեղ կահույքի մի քանի տեսակը։ Ինչպես վերը տեսանք, ուրարտական շրջանում արդեն ընդունված է եղել Սիսիանի գահավորակը բազկաթոռ է, իսկ Երևանից՝ արմուկները հենկու հորիզոնական ձողեր չունի։ Ինչ վերաբերում է Հայաստանում գտնված վերոհիշյալ կավե արձանիկների վրա սյառակերված դահիրին, ապա դրանք բազկաթոռներ են, սակայն պատկերների ճակատային լինելու պատճառով նրանց մանրամասները հրատուկ չեն, ուստի նրանց կառուցվածքն ուսումնասիրել դժվար է։

Մոսկու խորհրդային Արատշեսի Ուղման կապակցությամբ նշում է, որ «գողազրն էին, ասէ, ոսկեղէնք, գահոյքն և անկողինքն բեհեզկաւ և պատմուճառն որ մարմնովն՝ ոսկեթիւլ. թագ կապկալ ի գլուխն, և զէն ոսկեով տոռքի եղևալ և զգահոյիւրն շուրջ՝ որդիքն և բազմութիւն ազգականացն...»⁵⁸։ Աղաթանդեղոսը վկայում է, որ Տրդատը արքունիքից ոսկեջրած գահավորակներ է ուղարկում Հսիփոսիմին (III դար)։ «Եւ անգլն յարքունաստ վաղվադուկի ոսկիադատ գահաւորուկս սպասաւորօք հանդերձ հասուցանէին առ դուրս հնձոտին, որ էին վանք նոցա արտաքոյ քաշաքին»⁵⁹։ Հայաստանի վերոհիշյալ դահիրը իրենց ձևերով նման են, հատկապես, սելևկյան դրամների վրայի դահիրին։ Վերջիններս ավելի ցածր են, չունեն արմուկներն հենկույն մասեր, ուստի նրանց առջև ոտքեր գնկու համար ցածր աթոռ չի գրվել⁶⁰։

Կարմիր լյուրում գտնված աթոռի դրսևից երևում է, որ Սիսիանի տիպի բարձր աթոռները վաղուց էին գտնվում կիրառության մեջ։ Այն իր

⁵² В. Б. Плотровский. Искусство Урарту. с. 84—85, рис. 48—50.

⁵³ В. Б. Плотровский. Ванское царство (Урарту). М., 1959, с. 172.

⁵⁴ В. Б. Плотровский. Искусство Урарту, рис. 10.

⁵⁵ И. М. Дьяконов. Ассирийско-вавилонские источники по истории Урарту.—ВДИ, 1951, № 2, с. 332.

⁵⁶ Քսենոփոն. Անաբասիս (Բարգմ. Ս. Կրկյաշարյանի). Երևան, 1970, IV, IV, 20, 21.

⁵⁷ Մովսես Խորենացի. Պատմութիւն Հայոց. Երևան, 1991, II, 9.

⁵⁸ Աղաթանդեղոս. Պատմութիւն Հայոց. Երևան, 1983, § 160.

⁵⁹ Г. А. Пугаченкова. Указ. соч., рис. 6 Б, в, г, 8.

աղերսներն ունի Պոմպեյից և այլ վայրերից հայտնաբերված հռոմեական աթոռներին⁶⁰ հետ (մ. թ. ա. II—մ. թ. I դդ.):

Դահլը, բազկաթուր, եթե հիմնականում հանդիսավոր-պաշտոնական քնդունելությունների համար էր, ապա թախտը (մահիճը) կահույքի ամենամանրատեսիլ տեսակներից մեկն էր: Սիսիանում գտնված թախտը, ճիշտ է, բավականին շքեղ տեսք ունի, սակայն կավե արձանիկների մի խմբի վրա պատկերված թախտն ավելի շքեղ է, նրա ոտքերի կենտրոնական գոտին հարդարված է ծաղկեղեղեթյաձև զարդով: Բուսական զարդը թեև տարածում է ստանում հելլենիստական շրջանում, բայց այն Օգոստոսի էպոխայի հիմնական օրնամենտներից էր⁶¹: Թախտը տարածված էր Հին Արևելքում, Հունաստանում, Իտալիայում և այլուր: Այն ոչ միայն շքեղ կահույք էր, այլև օգտագործվում էր հանգստանալու, քնելու, ճաշելու, խնջույքների ժամանակ (ինչպես Արաաշատի կավե արձանիկներից մեկի վրա, որտեղ կիսապառկած տղամարդու ձեռքին կանթարոս կա): Հույները հանգուցյալին տնից մինչև գերեզման տանում էին մահիճի կամ դիակառքի վրա և դրանով էլ թաղում⁶²: Լճաշենի, Արթիկի, Ցամաքաբերդի, Ռեդկին լագերի և Օշականի թաղման ձևերից դատելով կարելի է ենթադրել, որ այդ սովորությունը եղել է նաև Հայաստանում: Սիսիանի դամբարանում դիակիզումից հետո մոխիրը լցրել են կավե դազաղի մեջ և դրել թախտին: Թախտը Արևելքում օգտագործվում էր նաև պետական կարևոր որոշումներ ընդունելիս (նրա վրա կիսապառկած վիճակում)⁶³:

Թանգ-ի Սարվակի մ. թ. 200 թ. թվագրվող պարթևական բարձրաքանդակի վրա պատկերված է թագավորը, իշխանության խորհրդանիշը՝ դափնեպսակը ձեռքին, իր վասալների հետ, թախտին կիսապառկած վիճակում⁶⁴: Այս նույն սովորությունը եղել է նաև հույների և հռոմեացիների մոտ⁶⁵:

Ինչպես վկայում են գրավոր աղբյուրները⁶⁶ և ինչպես երևում է Հայաստանում հայտնաբերված վերոհիշյալ կավե արձանիկների վրայի պատկերներից, թախտին կիսապառկած դիրքով մնալու համար եղել են շքեղ, գեղարվեստորեն ձևավորված հատուկ բարձր: Հայաստանում գահավորակի և թախտի առջև, ոտքերի տակ դրվող ցածր աթոռներ օգտագործվել են դեռևս ուրարտական շրջանում: Հետագայում դրանք լայնորեն տարածվել են ոչ միայն Հայաստանում, այլև ամբողջ անտիկ աշխարհում:

Թեև ուրարտական շրջանի և մ. թ. ա. II դարի Հայաստանի կահույքն իրար հետ կապող հաստատական նյութեր չունենք, սակայն կասկածից վեր է, որ նախորդ շրջանի ավանդույթները շարունակվել են: Դա նշանակում է, որ կահույքագործությունը և նրա հետ կապված արհեստները գտնվում էին զարգացման բարձր մակարդակի վրա: Վերը նշված բարդ ձևավոր ոտքերով (Սիսիան, Երևան), գլխատեղի երեսապատման քանդակազարդ մասեր ունեցող (Երեն) կամ աղբյուրներում հիշատակված արծաթե կամ ոսկեջրած կահույքի արտադրությանը, բացի հյուանից, մասնակցում էին մետաղագործության, հատկապես գեղարվեստական մետաղի տարբեր բնագավառների արհեստավորներ:

Մետաղագործությունը Հայաստանում երևան է եկել V—IV հազարամյակում և արդեն ուրարտական շրջանում հասել է զարգացման բարձր աստիճանի: Այդ են վկայում ինչպես ասորեստանյան տեքստերը, այնպես էլ հնագիտական նյութերը: Ուրարտական մետաղյա արտադրանքը արտահանվել է

⁶⁰ Д. Ке с. Указ. соч., рис. 140, 150. ,

⁶¹ Д. Ке с. Указ. соч., с. 56.

⁶² Н. И. Соколовский. Указ. соч., с. 90.

⁶³ Г. А. Пугаченкова. Указ. соч., с. 170.

⁶⁴ R. Ghirshman. Iran Parthians and Sassanians. London, 1962, p. 54, fig. 67

⁶⁵ Д. Ке с. Указ. соч., с. 57.

⁶⁶ Փատոսի Բիզանդացույ Պատմութիւն Հայոց. Երևան, 1987, IV, 2.

հին աշխարհի շատ երկրներ՝ Մալկոպ (Կելերմես), Սիրիա, Միջագետք (Կարթագեն, Ասորեստան), Մարաստան, Իրան, Էգեյան աշխարհ, Էտրուրիա⁶⁷, Հայաստանն ուներ երկաթի, պղնձի, ոսկու, կապարի, անագի և այլ հանքատեսակներ⁶⁸, որոնք շահագործվել են մինչև ուրարտական շրջանը և անշուշտ շարունակել են շահագործվել նաև հետագայում, այդ թվում նաև անտիկ շրջանում։ Հումքի առկայությունը բազա է ստեղծել մեծաղագործություն հնապազ զարգացման համար։

Արտաշատը, լինելով առևտրական և արհեստագործական խոշոր քաղաք, հանդիսացել է կահույքագործության, շքեղ կահույք և քառադրոզ հիմնական կենտրոններից մեկը։ Այդ մասին է վկայում կահույքի բարդ ձևավոր սուրբ ձուլելու դիպսե երկփեղկանի կաղապարի մի փեղկը (պաշպանված մասի երկ. 25 սմ, դանդաղաձև ուռուցիկ մասի տրամագիծը 10 սմ)։ Այն գտնվել է Արտաշատի VIII բլրի առաջին շինարարական շրջանի շերտից (մ. թ. ա. 150-ական թթ.—մ. թ. 58 թ.)⁶⁹։ Անտիկ շրջանի այդպիսի կաղապար այլ երկրներից մեղ հայտնի է։ Կաղապարի գլուխը խոսում է Հայաստանում գեղարվեստական բրոնզ ձուլելու բարձր մակարդակի մասին, որը մ. թ. ա. II—I դդ. ուներ արվեստի այդ բնագավառում ստեղծված իր ավանդույթները։ Հայաստանի անտիկ շրջանի հուշարձաններից և մասնավորապես Արտաշատից⁷⁰ ու Սիւնիկից⁷¹ հայտնաբերվել են բազմաթիվ անտիկ մետաղի բարձրարվեստ շատ նմուշներ⁷², հալոցներ, տարբեր տիպի զարդեր ձուլելու կազմակերպիչ և այլն։ Աղաթանդեղոսը, խոսելով հեթանոսական աստվածների մասին, ասում է. «...ճարտար ձևերով սարքած արձաններ են, մի բռնիսը փայտ են, տրիշները՝ բարև, պղնձ, արծաթ, կամ ոսկե»⁷³։ Նա նշում է նաև դրանց պատրաստման եղանակները. ոմանք կոփածո են, ուրիշները՝ կտածո, ոմանք խառնուրդ, ուրիշները ձուլածո⁷⁴։

Հայաստանի անտիկ շրջանի հուշարձաններից, հատկապես Արտաշատից հայտնաբերված պղնձ, բրոնզ, արծաթ և ոսկե զեղարվեստական մետաղի նմուշները ցույց են առել Ագաթանգեղոսի վկայության ճշմարտությունը։ Վարպետները կիրառել են տարբեր եղանակներ ու հնարքներ, կոել են, ձուլել, խորտոցել, զրվաղել, զոգել, ոսկեջրել, հղկել։ Այդ, ինչպես նաև հարգարման եղանակը, նորագեղությունը, ուրբուն, հատիկավոր, ֆիլիգրան, փորագրված և մյուս զարդաները ցույց են տալիս վարպետների մասնագիտական բարձր մակարդակը։

Հնագիտական հայտնագործությունները՝ զեղարվեստական մետաղը և

⁶⁷ Այդ մասին տե՛ս Բ. Բ. П о т р о в с к и й. Ванское царство, с. 161—164. զրահանությունը նույն տեղում։

⁶⁸ Նույն տեղում, էջ 164։

⁶⁹ Ժ. Գ. Խ ա շ ա տ Ր Յ ա ն, Ա. Գ. Կ ա ն ե ղ Յ ա ն. Արտաշատի VIII բլրի շերտագործությունը.—Արարիկ հասարակական գիտություններ, 1974, № 9, էջ 75, 80։

⁷⁰ Ռ. Ն. Ա ռ ա ր է լ Յ ա ն. Արևիկներ հին Հայաստանի արվեստի պատմության (մ. թ. ա. V դ.—մ. թ. III դ.)։ Երևան, 1976, տիպ. XCVI, XCVIII, XCIV; Բ. Н. А р а к е л - я н, Арташат, I. Основные результаты раскопок 1970—1977 гг. Ереван, 1982, таб. XI, III—XI, V; Ժ. Գ. Խ ա շ ա տ Ր Յ ա ն. Հայաստանում հայտնաբերված արևմտահռոմեական մետաղյա առարկաներ.—Արարիկ հասարակական գիտություններ, 1984, № 10, էջ 73։

⁷¹ Ж. Д. Х а ч а т р я н. Художественные изделия из серебра эллинистического времени. II Международный симпозиум по армянскому искусству. Ереван, 1978, с. 1—11; Ժ. Խ ա շ ա տ Ր Յ ա ն. Հայաստանի անտիկ շրջանի մեղալիները (մ. թ. ա. II դ.—մ. թ. I դ.)։—Արարիկ հասարակական գիտություններ, 1978, № 5, էջ 46—56, տախտ. I, II։

⁷² Ж. Д. Х а ч а т р я н. Гарин, У. Античный некрополь (результаты раскопок 1956—1976 гг.), Ереван, 1976, с. 105—106, рис. 41, табл. XX1.

⁷³ Ա զ ա Բ ա ն Գ Ե Ղ Ո Ս, § 71։

⁷⁴ Նույն տեղում, § 522։

գրավոր աղբյուրները վկայում են տորևտիկայի ծաղկման մասին: Հայաստանի արքունիքի և վերնախավի աճող պահանջարկը, ճիշտ է, մասամբ բավարարվում էր ներմուծելու եղանակով, սակայն հիմնական բավարարողը տեղացի վարպետներն էին: Դրա վառ ապացույցը Սիսիանի իշխանական դամբարանն է:

Փայտամշակությունը նույնպես անցել է զարգացման երկար ճանապարհ: Ճճաշենից, Յամաքաբերդից, Արթիկից, Օշականից և այլ վայրերից հալոնաբերված սայլերը, թախսերը, պատգարակները, ամանեղենը խոսում են փայտյա արտադրանքի մասին: Ուրարտական շրջանում այն ավելի առատ է և գտնվում է զարգացման նոր աստիճանի վրա: Կարմիր բլուրում հայտնաբերվել են սղոց և նշանակալից քանակությամբ փայտե առարկաներ՝ գդալներ (օղակաձև պոչով), թիակ, թասիկ, կահույքի մասեր ոսկրե ներդիրներով և այլն, որոնք պատրաստված են հաստոցի վրա⁷⁵:

Փայտամշակության մեջ գոյություն ունեւ աշխատանքի բաժանում: Թեև, ևերեմն դժար է ասել, թե արտադրանքի որոշ տեսակներ ում պետք է վեքագրել՝ ատաղձագործի՞ն, թե՞ հյուսնի՞ն: Ժիշտ է, նրանք ունեն մի շարք գործիքներ, որոնք ընդհանուր են, սակայն կան նաև տարբեր, իրենց աշխատանքին բնորոշ գործիքներ: Ատաղձագործությունը սերտորեն կապված էր շինարարության հետ: Անտիկ շրջանում կային նաև փայտակերտ շինություններ: Փավստոս Բուզանդը Շապուհ II-ի կողմից քաղաքներն ավերելու և բնակչությանը գերեվարելու մասին խոսելիս հատուկ շեշտում է, որ Արտաշատում «եւ զամենայն շինուած քաղաքին հրձիգ արարին զփայտակերտուն...»⁷⁶, Մովսես Խորենացին էլ վկայում է Տիգրանակերտի ավերման ու հրդեհի մասին. «Այլ յունականն ձեռն ի քթթելական հրձիգ առնէր զամենայն փայտակերտսն»⁷⁷: Քարակերտ շինությունների մեջ կային փայտյա կոնստրուկցիաներ ու հատվածներ: Ագաթանգեղոսը Արտաշատում գտնվող Անահիտի տաճարի ավերման մասին ասում է. «Եւ ամենայն շինուածք մեհեհէին ի հիմանց դրդեալ տապալեցան. և լուցեալ յանկարծօրէն փայտակերտն հրդեհացաւ ի տէրունական նշանին զօրութենէ, և ծախն ծառացեալ մինչև յամպս հասանէր»⁷⁸: Բարձր և երկար պատերն ամրացնելու համար փայտե գոտիներ էին անում: Այդպիսի գոտիներ են հայտնաբերվել Արտաշատի II և VIII բլուրներում եղած պատերի մեջ: Փայտե կառուցվածքներ օգտագործվում էին նաև պարիսպների, հենապատերի, տնտեսական աարբեր տեսակի շինությունների մեջ: Հայաստանի լճերում կային նավարկության միջոցներ: Պարզ է, որ պետք է լինեին նաև նավաշինարարներ, ինչպես նաև կառքեր, ուղղմական մեքենաներ պատրաստողներ, որոնք առանձին մասնագիտություններ էին (կառագործ և այլն): Կառքի մասին վկայում է Ագաթանգեղոսը: Նա նշում է. «Եւ հանէին զԳրիգոր յոսկիասպատ կառսն արքունականս՝ սպիտակաձիգ շորուցն»⁷⁹:

⁷⁵ В. В. Пиотровский. Ванское царство, с. 195, рис. 55—56:

⁷⁶ Փավստոս Բուզանդ, IV, 55:

⁷⁷ Մովսես Խորենացի, III, 28:

⁷⁸ Ագաթանգեղոս, § 779:

⁷⁹ Ագաթանգեղոս, § 803:

Կենցաղային ու տնտեսական նշանակության զանազան իրեր ու առարկաներ, այդ թվում նաև դոներ, յուսամուտներ, դադաղներ, օնդուկներ (ծըխ-նիալոր կափարիչով և փակով արկղ), տարբեր չափերի արկղներ. օանրեր, դարդասուփեր և այլն, պատրաստվում էին հյուսների կողմից, այստեղ էլ կային նեղ մասնագիտացումներ. Անտիկ հուշարձաններից, հատկապես Արտաշատից հայտնաբերվել են դադաղներ⁸⁰ (արևմտյան դամբարանադաշտ), փայտե արկղների տախտակների բեկորներ, անկյունային տախտակներն իրար միացնող երկաթյա թիթեղներ՝ դամբերի մնացորդներով: Սիսիանի դամբարանում գտնվել են սնդուկի տախտակի մասեր (հաստ. 2 սմ) և բրոնզե կիսակլոր (սակրաձև) երեք ծխնի (հաստ. 0,5 սմ, լայն. 5,3 սմ, երկ. 9,3 սմ), դամբերի երեք անցքով, Արտաշատի VIII բլրից գտնվել են փայտե (սամշիտե⁸¹) դարդասուփերի լավ մշակված բեկորներ, ոսկրե երկկոշմանի սանր, ներկատուփ և այլ մանր առարկաներ:

Հայաստանի անտառները բավարարում էին փայտի պահանջարկը: Արտաշատի կառուցման մասին խոսելիս Մովսես Խորենացին նշում է, որ «Արաքսն էլ օգնում է նրան անտառի փայտով»⁸², Արտաշատում պատի ամրացման համար օգտագործվել են գիհի (МОЖЖЕВЦЫНН) ղերաններ: Կաղնու, հաճառենու, մայրիի (սոճու) և այլ ծառատեսակներ օգտագործվում էին ինչպես շինարարության, այնպես էլ կենցաղային իրեր պատրաստելու համար: Արցախի, Սյունիքի, Դուդարքի անտառների փայտը այսօր էլ է օգտագործվում այդ նպատակներով: Հայաստանի փայտի արտադրանքն առաջին հերթին բավարարում էր ներքին շուկան: Այն արտահանելու մասին փաստեր մեզ հայտնի չեն: Ամենայն հավանականությամբ փայտե զանազան արտադրանք ներմուծվել է Հայաստան, դա վերաբերում էր շքեղ կահույքին, զարդատուփերին և այլն:

Տարրեր նպատակների ծառայող կահույքի հանդես դալը կապված է մտադու նոսակենությունների անցնելու հետ, երբ նա փորձում է իրեն համար ստեղծել տարրական հարմարություններ: Սակայն կահույքի լայն տարածումը սկսվում է դասակարգային հասարակության և քաղաքային կյանքի ձևավորման շրջանից⁸³: Կահույքը պատկերացում է տալիս տիրոջ սոցիալական վիճակի մասին: Սիսիանից, Արտաշատից և Երևանից հայտնաբերված բարդ ձևավոր ուղեքերով կահույքը, ինչպես նաև կավե արձանիկների վրա պատկերված կահույքը, շքեղ կահույք է և պատկանել է վերնախավին: Այն արտահանում է Հայաստանի ուղ հյուսիսատական և ուղ անտիկ շրջանի հասարակության հակումները, ճաշակը և ընդհանրապես մշակույթի մակարդակը:

Հայաստանի կահույքն իր ձևերով, հարդարանքով, ոճական առանձնահատկություններով ու պատրաստման եղանակով չի գիշում անտիկ աշխարհի մյուս երկրներից հայտնի կահույքին: Զարդանալով հինարևելյան ընդհանուր միջավայրում, շարունակելով հանդերձ տեղական ավանդական ձևերն ու հարդարանքը, այն շատ ընդհանրություններ ունի մյուս երկրների կահույքի հետ, որն առևտրատնտեսական ու մշակութային սերտ կապերի ար-

⁸⁰ Ժ. Դ. Խաչատրյան. Արաշատ II, էջ 19—22:

⁸¹ Մովսես Խորենացի, II, 49:

⁸² II. II. Сокольский. Указ, соч., с. 87.

գլուխը է: Դա խոսում է նաև Հայաստանում փայտամշակության և նրա հետ կապված արհեստների բարձր զարգացման, ինչպես նաև բոլոր արտադրամիջոցների, այն . գործիքների առկայության մասին, որ ունեին հելլենիստական և հռոմեական կայսրության մեջ մտնող երկրների փայտամշակությամբ զբաղվող արհեստավորները: Արտաշատից հայտնաբերվել են երկաթյա կացին, որոշ այլ գործիքներ, որոնք նման են դուրի և ուրագի:

Փայտամշակությամբ զբաղվող արհեստավորները, ատաղձագործներն ու հյուսները մյուս արհեստավորների համեմատ ամենաշատն էին: Պանտիկապոլում ատաղձագործներն ու հյուսներն, օրինակ, արհեստավորների ամենանշանակալից մասն էին կազմում⁸³: Ոչ մի արհեստ չէր կարող համեմատվել փայտամշակության հետ: Անտիկ հեղինակներն⁸⁴ արհեստների մասին խոսելիս սոռաշինը նշում էին ատաղձագործներին և հյուսներին: Հայաստանում, որը քարի երկիր էր և զարգացած մետաղամշակություն ուներ, փայտամշակությամբ զբաղվողների հետ կարող էին համեմատվել, քիչ թե շատ, միայն քարգործներն ու մետաղագործները: Քաղաքային կյանքում հյուսներ և ատաղձագործը քարգործ վարպետի հետ համարվում էին ամենաանհրաժեշտ վարպետները⁸⁵: Փայտամշակությունը ուներ նաև տնտեսական կարևոր նշանակություն, սակայն վատ պահպանվելու պատճառով հնագիտական հայտնագործություններն անբավարար են, որը և թույլ չի տալիս այն ավելի բազմակողմանիորեն ուսումնասիրել: Դա հնարավորություն կտար ավելի լավ պատկերացում կազմել Հայաստանի անտիկ շրջանի հոգևոր և նյութական մշակույթի մասին:

МЕБЕЛЬНОЕ ПРОИЗВОДСТВО В АРМЕНИИ

(II в. до н. э.—II в. н. э.)

Ж. Д. ХАЧАТРЯН

Резюме

В статье предлагается одна из отраслей деревообрабатывающего ремесла—производство мебели в античной Армении. Найденные фрагменты деталей мебели из бронзы, с железным стержнем и из дерева, покрытого бронзовой пластинкой (Арташат, Сиснан, Ереван), дают возможность судить об этой отрасли деревособрабатывающего ремесла. Почти все детали имеют сложную профилировку и тщательно отполированы. Изображения мебели на античных терракотах Армении, а также находки мебели из других стран античного мира позволяют восстановить внешний вид нашей мебели. Это—тахта, кресла, высокий стул и небольшая ножная скамеечка. Обнаруженная в Мрене бронзовая обкладка изголовья (погрудное рельефное изображение крылатой женской фигуры и голова собаки) являются фрагментами ложа. Исследуемая парадная мебель изучается на широком фоне античной культуры Армении и сопредельных стран. Все фрагменты мебели Армении—местного производства. Об этом свидетельствует также гипсовая матрица для литья ножек мебели сложной профилировки из Арташата (II—I вв. до н. э.). Изучение материала показывает, что античная мебель Армении создавалась на основе давних местных традиций. В стилистическом и художественном отношении парадная мебель Армении имеет много общего с мебелью эллинистического Востока.

⁸³ В. Д. Блаватский. О боспорском ремесле IV—I вв. до н. э.—СА. XXIX, XXX, 1959, с. 45.

⁸⁴ Плутарх, Перикл, XII.—Избранные жизнеописания, т. I, М., 1987 (пер. С. Соболевской); Н. И. Соколовский. Указ. соч., с. 273, ссылка 2.

⁸⁵ С. Т. Еремян, Развитие городов..., с. 29.